



Wes-Kaapse Provinsiale Parlement Western Cape Provincial Parliament IPalamente yePhondo IeNtshona Koloni

USOMLOMO

UXWEBHU LWEMIBA 17

UPHENGULULO 1, 5 JULAYI 2016

USomlomo ligosa lolawulo eliyintloko lezopolitiko kwiPalamente yePhondo. USomlomo sisithethi seNdlu, uchophela iintlanganiso zayo kwaye “nguMphathiswa” wayo ngokumayelana neenkonzozenkxaso zayo. USomlomo uxhaswa aze ancediswe nguSekela Somlomo owonyuliweyo.

USomlomo wonyulwa yiNdlu kwaye angasuswa eofisini yiNdlu. USomlomo ufumana amagunya akhe kwiNdlu anika iinkcaza kuyo.

Ekumeleni iNdlu, uSomlomo umele onke aMalungu; lawo aseburhulumenteni nalawo akumaqela aphikisayo. USomlomo kwakhona akanaxanduva lwesigqeba kwaye kufuneka agcine ukuzimela kwePalamente yePhondo ngakuso. Xa echophele iintlanganiso zeNdlu, uSomlomo makaqinisekise ukuba zonke iinkqubo ziqhuba ngokuhambelana neMithetho eSisigxina, isenzo kunye nomzekelo.

USomlomo utolika imithetho nemiyalelo aze anike izigwebo xa kuyimfuneko. Xa iNdlu ingenwa kukungawuleki, uSomlomo makagcine ucwangco. Kukho amagunya ahlukeneyo oluleko abekwe kwiMithetho anokusetyenziswa nguSomlomo ekugcineni ucwangco.

USomlomo akuqhelekanga ukuba athabathe inxaxheba kwingxoxo-mpikiswano kwaye akavoti ngaphandleni kokuba kukho ulingano kweevoti apho uSomlomo enikezela ngevoti eyahlulayo.

AMalungu anelungelo lokulindela ukungathabathi icala kuSomlomo ngawo onke amaxesha kuba uSomlomo unelungelo lenkxaso ephuma kuwo onke aMalungu kungakhathaliseki amaqela angamalungu awo.

USomlomo unoxanduva lokugqibela lolawulo lwepalamente. Uchophela iKomiti yeMithetho eyalela igunya lolawulo lwepalamente.

Naninina uSomlomo engekho okanye mhlawumbi engakwazi ukuqhuba imisebenzi ye-ofisi kaSomlomo, okanye naninina la ofisi ingenabani, uSekela Somlomo ubamba njengoSomlomo.